

O le Aiga o Hendricks i Quincy, Ilinoi

Faitau le tala lenei i le aiga o Hendricks e pei ona faamatalaina e Elder Jeffrey R. Holland o le Korama a Apostolo e Toasefululua:



"I le totonugalemu o le feitagai leaga tele i Misuri lea o le a tuu ai le Perofeta i le Falepuipui o Liperate ma tutuliese faamalosi ai le faitau afe o le Au Paia o Aso e Gata Ai mai o latou fale, na taunu ai Sister Drusilla Hendricks ma lana tane pipili o James, o le na fanaina e fili o le Ekalesia i le Taua i le Vaitafe Piopio, faapea ma le la fanau i se falemo'u foliga na tatope le faiga i Quincy, Ilinoi, e faatalitali ai le tautotogo o lena tausaga faigata.



"I totonu o le lua vaiaso, na matuai tu lava i le laumeavale le auaiga o Hendricks ona o le matelaina, lea sa na'o le tasi le sipuni tumu o le suka ma se falai na tumu i le polesi na totoe o a latou meatotino. . . . Sa fai e Drusilla se paluga mo James ma tamaiti, ma ua faapea ona gata mai ai le fālōina o le mea e maua ai i le tele e mafai ona maua ai. Ina ua uma ona ai e lona aiga fiaaai lena luutaga itiiti, sa ia fufuluina mea uma, faamama si o latou tama'i falemo'u i le mae'a'ea sa ia mafaia ai, ona faatalitali filemu loa lea e otí.

"E le'i leva lava, ae toe tu i luga Drusilla ona o le pao o se taavaletoso. O le latou tuaoi o Reupena Allred. Sa fai mai o ia, sa ia maua se lagona ua leai se latou meaai, o lea la, a o agai atu i le taulaga, sa ia aumaia ai se taga fatu ua vili i se meaai mo i latou.

"E le'i leva foi lena, ae taunu ane Alexander Williams ma amo mai ni taga meaai tetele se lua. Sa fai atu o ia ia Drusilla, sa matuai pisi lava o ia ae na musumusu atu le Agaga ia te ia 'O loo pagatia le aiga o Uso Hendricks, o lea na ou tuua ai mea uma ae ou [momo'e] mai' [Drusilla Doris Hendricks, "Historical Sketch of James Hendricks and Drusilla Doris Hendricks," Church Archives, Salt Lake City, 14-15]" (Jeffrey R. Holland, "A Handful of Meal and a Little Oil," *Ensign*, May 1996, 31).

- O a ni mataupu faavae e mafai ona tatou aoaoina mai i lenei tala?

Faitau atu le faamatalaga lenei mai ia Peresitene Thomas S. Monson (1927–2018):



"O le aafiaga aupito matagofie na ou iloa i le olaga o le lagonaina lea o se uunaiga ma faatinoina ma iloa mulimuli ane o le faataunuina o le tatalo a se tasi po o le manaoga o se tasi" (Thomas S. Monson, i le William R. Walker, "Mulimuli i le Perofeta," *Liahona*, Ape. 2014, 40).

- O le a se taimi na e tali atu ai i se uunaiga mai le Agaga Paia ma taitaiina ai i le fesoasoani i se tasi na manaomia le fesoasoani?